

松風閣詩鈔



05635

松風閣詩鈔目錄

余於乙酉冬刊甲戌以後詩三卷

辛卯作曰花南集壬辰至乙巳作曰竹西集各三卷

乙巳冬刪而存之改編年為分體釐為八卷共得詩

七百九首題曰松風閣詩鈔刊於京師而澗東花南

竹西之名不復存矣丙午作題曰硯北集是秋視學

閩南途中作別題曰乘輅集到閩後作又別為問心

集各一卷皆未分體仍附於前刊八卷之後以俟他

日刪定戊申四月硯北山樵自記


卷之九 硯北集 古今體詩五十六首 丙午春夏

松風閣詩鈔 目錄

卷之十 乘輅集 古今體詩六十一首 丙午秋冬

卷十一 問心集 古今體詩九十三首 丙午冬至 戊申春

卷十二 問心集 古今體詩一百二十二首 丙午四月止



松風閣詩鈔

長洲 彭蘊章詠菴

卷九 祝北集 古今體詩五十六首

芝軒相國有元旦詠菊詩奉和元韻

秋菊經冬花未殘欲同梅萼破春寒  
皤皤黃髮路公壽落落金英楚楚容  
餐賴有東風容爾傲何能老圃徧人看  
自從一別柴桑徑凹度窗前白玉盤

題宋趙忠簡 忠正德文集

炎宋失汴京倉皇出南渡建業復臨安  
車駕頻移駐金兵渡河來淮泗叛劉豫  
中原暗烟塵長江幾難據趙公松風閣詩鈔 卷之九

真宰相胸中羅武庫一言決親征再駕勤鑿輅遂定偏

安局中興延國祚樞密兼平章明良慶遭遇君臣相得

時奚啻腹心布未幾聽讒言貶置潮陽路復移吉陽軍

憤懣騎箕去

公在吉陽軍不食而死臨終自書銘旌云身騎箕尾歸天上氣作山河壯本朝朝

廷能任賢所患在朝暮斥公是何心欲堅和議故覩顏

忘父仇奸檜得阿附南朝兩忠簡

一宗忠簡公澤

皆爲執政誤

豈惟岳忠武三字冤難訴騎驢湖上人心知國有靈寥

廓羨鴻飛聊兔弋人慕自來治國家端賴臣工助其原

在君心忠佞皆無預

斜日晶簾上玉鉤梨花院落聽啁啾羽儀莫似冰銜冷  
世上三公重黑頭

惜春鳥

嬌鳥枝頭弄巧聲風吹紅雨滿春城山中花果人爭摘

負爾殷勤絮語情

鳥聲曰莫摘花果

反舌

啄木畫符能辟蠹鳴鳩拂羽解催耕笑他反舌渾無賴  
學得如簧百種聲

伯勞

桑林一鳥喚淒迷招得殘魂車蓋栖自古男兒憐後婦

松風閣詩鈔卷之九

二

伯勞休向阿耶啼

天上何所有

天上何所有桂樹生廣寒托根雲霄際千載枝葉完吳  
剛爾何人持斧來斫之似聞丁丁聲桂影終不虧諒抱  
堅貞性天公豈有私豫章蔭十畝謂當金石壽木魅穴  
其心摧折樵夫手惜哉推爲薪不復見輪囷若留枯槎  
根還達牛斗津

分詠盤中食物得紫菜

海苔誠有類沙際疊如茵帶日輝珊瑚網隨潮襯錦鱗鮫  
綃紋共細蟬翼割初勺任爾瀛洲產酸鹹世味均

題唐六如畫南柯醉臥圖卽用自題原韻

杈枒古樹罩空庭有客酣眠枕酒瓶夢裏何人知是夢  
醒來還恐未全醒

附錄原作

盲騰一醉臥空庭席有蓑衣枕有瓶塵海功名心  
已斷南柯不到不須醒

偕曹艮甫比部

楸堅

校定亡友王井叔嗣雅堂遺

詩刊成志感

平生詩友誰最親井叔而外少其人數年講貫共晨夕  
所學微異同一源我時挾策志干祿雖慕風雅用力分

松風閣詩鈔

卷之九

三

君獨專精攻六義健筆欲掃千人軍陸機作賦年二十

君如其年詩不羣盛名藉藉滿吳下曹

艮清西沈甫吳如朱生

閩生潘功韋君倫詩壇旗鼓各相敵我亦執鞭趨後塵南

園草綠踏青至敲碁飲酒笑語溫有時冒雨君訪我有

時衝雪我詣君裁詩刻燭忘寒暑歸途烟月迷黃昏春

明我偕計吏去君亦作客邗江濱隻雁關山愁弔影飄

蓬原野悲無根扁舟渡江歌將母巫陽下名歸其魂是

時君年二十八九月八日歲甲申劉綱去後婦相繼下

無黃口家無田七旬老母撫棺哭行路聞之涕淚潛嗚

呼君才阨若此令我搔首呼蒼天風花瞥眼幾寒燠我

時方壯今華顛蒐緝遺詩付錢版寸心欲向千秋傳  
嗚呼君詩雖洵美假年當更精且醇若使君手自編定琢  
磨鎔冶金玉堅我今才薄難爲役憑臆去取恐未安商  
榷幸有君畏友良甫儻無餘憾銜黃泉我詩當年乞君序  
君詩今亦綴我文我文猶未盡我意更以韻語書其端

送吳主事

嘉淦

典試蜀中

霏屑清詞下筆神冰壺朗照絕纖塵鳳池愧我推前輩  
鸞掖如君有幾人洗眼嶠山千歲雪醉心錦水萬花春  
杜陵芳躅草堂古待把茱萸一問津

蛙聲

松風閣詩鈔

卷之九

四

不見水田處空聞兩部喧炎蒸忘北地雨過憶南園靜  
躁非關汝官私總不煩燈前欹枕聽催夢到江邨

讀葦間叔父遺詩盛稱梁家園風景清幽每攜客  
遊覽時乾隆六十年前事也今遊其地已成穢區

感而有作

我居此地已八年不聞左右有林泉前賢探幽每到此  
招邀詩客停吟鞭詩中盛稱壽佛寺喬木蒼秀依梁園  
小橋流水抱曲徑清磬一聲心曠然今來此地一憑眺  
寺門古樹寒鴉噪荆榛深處號穢區佳客尋芳豈肯到  
滄浪清濁孺子知修士立身當鑒茲剗削不逢柳子厚

何來愚谷更愚池

若溪歿將一年其兄遣子迎柩南歸詩以哀之

憶我識王郎藥階珥筆始樞院復同曹相隨廿年矣食  
必與同饌書必與共几其外樸無文其中溫而理詩才  
平子工酒德伯倫美黔陝再持衡甄拔多佳士清切依  
綸扉名位方日起何圖鷗鳥翔遽兆賈生死五十竟無  
兒承祧還有待長女吾子婦其餘皆稚齒哀哀撒瑟時  
後事孰經紀孤櫬託招提忽忽星霜改丹旒有人迎兄  
弟子猶子卜以季夏辰艤舟歸故里相送鳳城闈死生  
別乃已惻愴結衷腸作詩當銘誄何日西湖濱奠君一  
松風閣詩鈔 卷之九 五

杯水

和良甫見贈作奉酬

水犀魯縞不同科援古方今竟若何漫擬清風刪汰甚  
須知三百已嫌多

原作有比似清風客已多之句黃魯直自號清風客手定詩三百八篇

豪宕詩沿玉局風西臺計日控花驄蠻溪瘴嶺身都到

未許遊山讓謝公

良甫遊滇蜀粵東所著曇雲閣詩集多遊覽山川摹寫奇境之作

詩境恢恢藉博聞曾羅萬卷筆超羣嘔心長爪囊中句

喟我難爲元晏文

時余序井叔遺詩刊行

三徑風流去不還

感蔣澹懷

奇才到死不曾孫中年各抱黃

壚感

君與澹懷友善其遺詩行世

爲用詩魂望故山

余以泥金扇贈吉甫吉甫爲書史最後碑仍以贈

余賦謝

吳工製此聚頭扇髹漆其骨金其面攜來燕市拂清風  
重之不啻如東絹我持相贈非索書君書報我情有餘  
史晨饗碑漢筆法黠畫遒勁姿敷腴君於分書久深造  
十年前已窺堂奧有鄰擇木不復生墨卿  
伊君秉綬未谷君  
差同調秦漢殘碑我舊藏平生學篆隸未遑臨摹到  
魏  
今始有志老年筆力嗟頹唐乃知習藝貴年少小能綴  
文老更蒼斑鬢不堪問新業但溫舊學期無荒

猛虎行

松風閣詩鈔

卷之九

六

乍可飲田家瓦缶樽不願瓊瑤無當卮瓊瑤豈不貴無  
當將何施一解飢食一升粟聊用果吾腹采芝服食可延

年木菌如芝中有毒二解肩負千金行百里子來分任我

心喜誰知顛蹶草間死子誠仁人兮惜非壯士四解南山

烈烈飄風怒號虎豹鬪兮熊羆咆懷賁育兮我心勞五解

夏日澄懷園訪何根雲太常

桂清

仙山樓閣何峇堯玉皇案吏居逍遙澄懷之園饒水木  
芰荷香裏過虹橋太常供奉南齋久挾天才藻鄒枚手  
閉門終日嗜揮毫愛客連番替呼酒求書索飲來盤桓  
況有園林供靜觀嘉蔬乍剪瓊瑤圃游鱗初落珊瑚竿



豈惟清談佳與劇更因飽飫老饗歡憶昔我居七峯墅  
步履君聯曲江侶

往余在園直君每偕張小浦同年步行過訪

江東三載閱

星霜冀北幾人話風雨

小浦視學江蘇今三年矣

卽今玉尺待君持

太史翰軒四出時好趁新涼數相見行看一別三秋期

會稽宗滌樓農部

稷辰

於其鄉館建正氣閣祀越

中先賢之忠烈者凡若干人有紀事詩見示奉酬

天目挺神秀屹然南戒宗磅礴聳會稽屏翰諸州雄地

靈人物盛理學開儒風俗美質強毅時危肯效忠勝國

當末造倪施芳烈同

倪文正元璐施忠介邦曜周

文忠鳳翔劉忠

忠端及祁惠

余忠節煌

碧血灑江東後有張忠節

焜

族沒洪濤中實皆

松風閣詩鈔

卷之九

七

此邦彥思建回天功良由風化美豈曰山川鍾我

朝勵臣節表揚存大公一字榮袞繡千秋激愚蒙風聲

所鼓動無私如化工君今修祀事肸蠭幽冥扶持在

名教非獨桑梓恭我吳周忠介至今祠宇崇生民有懿

好不殊五尺童況集青雲彥遙寄尙友衷秋雯開傑閣

焚香薦晚菘恍見諸英魄乘雲下蒼穹

螢火示祖賢祖爨

銀蟾韜素輝繁星炳光曜蛻膏已成燼螢火虛庭照斤

斤雖小明猶勝幽室誦不然終夜求何能辨奧窔觀物

可悟人破愚在受教莫輕一得知才識因之邵

獨渡篇

獨渡水中泥水深沒我足沒足何傷兮我行卻曲

一孟解

施非必勝北宮不目逃屈伸從所尚二子皆人豪

二勇解

者招尤兮懦者受侮我思古人兮柔亦不茹剛亦不吐

三犬嗥於室叱之則逸從而扶之乃奔乃齧

四鬼嘯於

梁聽之無傷從而祝之乃立於堂

五解

我觀之子玉佩瓊

琚芻蕘可獻舉此一隅

六解

采芝行贈義烏朱介泉翁

標

義陽朱翁年七十白鬚未半朱顏酡平生導引資服食

肯令歲月空蹉跎早歲滇池依花縣點蒼山麓庭幃戀

松風閣詩鈔 卷之九

八

歸到吳門作寓公春花秋月幾回換壯士腰間繡寶刀

尙餘肝膽向人豪身行萬里惜馬足心輕一第如鴻毛

不愁結客黃金盡祇恐求仙青鬢凋賃廡梁鴻忽已老

浮家范蠡曾見招逃名未掃行雲迹諸侯爭聘虛前席

聞道淮南桂樹秋囊書仍作天涯客青山如畫送扁舟

鶴市人歸謝遠遊從此采芝尋四皓白雲天際共悠悠

秋夜懷介堂

長安今夜月應共故鄉明歷歷征鴻影蕭蕭落木聲山

中謝逋客天上識君平千里滄江路臨風無限情

題艮甫曇雲閣詩集

下筆挾奇氣，颯然風雨來。山川滿眼底，用古心悠哉。落  
落辭芸館，遲遲到柏臺。陰何去千載，與我撥殘灰。

招振山弟

蘊策

應京兆試不果寄懷一首

坐對秋風感鬢毛，半生辛苦歎吾曹。鹿城細雨連雙屐，  
巒社驚波共一舸。

辛卯秋偕余南下舟行高寶湖極風波之險

二頃未荒嗟

穀賤十年不見使，心勞挂帆仍向白門去。日暮金臺燕

雀高

孤雲篇寄懷袁韻亭師

寶樹

孤雲曳晴空，文采一何綺。飄搖離巖岫，清影照潭水。淵  
明對此感貧士，我對孤雲思。我袁夫子單寒其族，誰堪  
松風閣詩鈔

卷之九

九

依行年四十三喪妻筆耕而食，子女嘗啼飢，或居葑溪  
之陋巷，或居齊女門前荒涼寂寞，無人蹊阨窮而不憫，  
勁節凌清秋，書如文待詔，詩似高青邱，芒鞋布襪山間  
遊，推敲一字郊島心，肝摻秀才挾策三十載，博士一官  
不可求。袁夫子問年六十六未脫齒牙未眵目，幽蘭獨  
秀在空谷，喬松耐寒姿，沃沃別來坐，歎光陰速，何時相  
遇。湖山曲，山高水長，秋氣清，我詩蒼涼激楚聲，孤雲天  
半爲我停，浮空藹藹若有情，雲兮莫逐飄風散，待我支  
硯鄧尉百尺蒼厓畔。

檢關亡友沈師竹茂才

林所臨甄塔銘志感

瘦沈吾同塾躬耕在硯田挑鋌共遙夜撒瑟感青年書  
本率更慕銘因敬客傳春風吹葑水墓草又芊芊

王僧拂蠅  
蒼蠅雖可憎不點玉壺冰奈何紛啖食滿几列羶腥此  
地多可欲安能避營營呼僮拂蠅去旋復薨薨聲悟斯  
由自召澹泊衆忘情一朝虛其室但覺清風生蠅來不  
須拂何況本無蠅

燒蠅

炎天豹腳蟲黑暗吮人血勢象不可揮火攻堪翦滅或  
言蠱害小非比蛇與蠍胡不相寬容至煩一炬烈豈知  
松風閣詩鈔 卷之九 十  
么麼族災乃肌膚切未聞縱奸民而云不嗜殺今宵斗  
帳清解衣但捫蝨無力驅豺狼聊此懲饕餮

秋暑用轆轤體

暑威如酷吏一去民氣蘇奈何行復止不使清風噓葛  
衣晨更著蒲簟夕仍鋪知有甘霖到雷聲鼓太虛

詠金錢花

黃花朵朵樣如錢野菊籬邊共鬪妍雙陸輸餘梁掾借  
五銖夢裏鄭公傳貧家種此愁無地廉吏看時信有天  
聞道玉山金粟滿拋殘萬斛到霜前

題唐六如畫桃花源圖

世間豈有桃花源誰從物外起田園淵明遭亂思避世  
造此奇境爲寓言右丞題詩最清絕六如作畫今無匹  
春水瀾瀾紅艇移春雲靄靄青峯出桃花萬樹夾江津  
咫尺仙源隔俗塵張果自言生堯世太元何必無秦人  
六如家住桃花塢埋骨花間覆香土至今拱木亂鴉啼  
闔閭城畔吹紅雨

有木十六章

有木以聖名食之令人智醴泉沃其根丹砂布其地曠  
世偶挺生蔚作神州瑞姬墓產靈著孔庭植古檜此木  
共千秋淳風開八會

松風閣詩鈔

卷之九

七

有木名風聲傳自東方朔昔在縉雲時翦鬱生阿閣或  
如琴瑟響或如金革作聲音別文武休咎占榮落恍與  
格人遊不待元龜灼

有木名爲桑其實堪療飢葉肥飼春蠶吐成機上絲上  
者爲黼黻下者作裳衣其功在萬世直與五穀齊東夷  
貢吉貝西戎獻織皮何如素絲美藻火虞廷施

有木以貞名亦號冬青樹凌寒葉不凋巖壑飽霜露開  
徧青白花纍纍子無數實秉少陰精如士守寒素保茲  
介石心落落歲云暮桃李倚東風只爲繁華誤

有木名射干寸莖苗鷺嶺甘露流其根丹霞染其頂良

由所處高何曾百尺挺君子貴自立失足常自警就土  
慎交遊擇鄰爭處境三復孫卿言令人發猛省

有木名松柏天生棟梁材任土曾作貢夏殷並樹之茯  
苓結蟠根鸞鳳棲高枝獨抱堅貞性詎憂斧斤施幸勿  
摧爲薪終當露瑰奇

有木名梧桐龍門聳百尺特立山崖中秉性自孤直伯  
牙裁爲琴鏗鏘和金石中天奏簫韶雲間翔鳳翮惜哉  
先秋凋未堪雪霜積賈生豈無才顏淵終有德樛栲永  
其年令人長太息

有木名如何其實形如棗食之得地仙三光同不老我  
松風閣詩鈔

卷之九

三

懷命名意憂心何燥燥初筮未堪從三思以爲寶鹵莽  
實多愆從容乃中道不曰如之何聖賢亦難保

有木名無憂初植纔盈把俄見質輪囷枝葉蔽九野合  
歡芘其根萱草榮其下欲呼岐山聖移種鄴京社奈何  
石頭城自比無憂者三閣逞荒淫六宮侈風雅不見關  
雎詩寤寐憂心寫

有木名楊柳媿娜風煙中栽傍靈和殿眠起多丰容攀  
條贈行客縷縷芳情濃柔姿弄春靄弱質零秋風取材  
成栢棖不堪大匠逢槎枿水濱臥蟻穴中心空

有木名爲桂味辛長百藥宗生臯塗山霜天葉不落雜

樹不得參何況穀木惡滿山播芳烈二氣無舛錯將才  
比孫吳相業似伊霍猛力甦沈疴匡時有勇略

有木以強名方寸繫巨石繩之入海中浮如挂帆席堪  
逐鷗鵬遊不患鮫龍得我聞弱水頭愁煞乘槎客有舟  
強若此何殊翅生腋我欲攜斧斤採之傲松柏

有木以檀名古稱爲善木其質重而堅取材中車輻別  
種制良弓九合緄滕束眷言武備修樹此十年足樛櫨  
非真材相似亦可蓄作歌告山虞佇立望空谷

有木名無患密葉相對生作器能辟惡焚之香氣清神

巫裁作棒殺鬼驅六丁鍾馗能啖鬼其神久不靈挪掄

松風閣詩鈔 卷之九

三

敢作崇嘯梁多怪聲人烟滿城邑忽見燐火青我欲祓  
不祥持棒中宵行

有木名返魂香聞數百里玉釜煮其根金丹未堪擬死  
者得復生生者長不死邪術始黃巾流傳殊未已殺人  
亦無數蒿目觀前史安得返魂香千秋拯赤子

有木以模名四時色皆正惟生周公冢不與凡木競有  
檜植孔林千秋枝葉盛製杖扶顛危內含金石性榮哉  
此二木托根依古聖貝多來西域如樂分雅鄭

邨塾

天寒雞噓早家貧兒子好所見無異物鋤犁及灑掃日

出抱書來出塾送歸鳥問童何所求文字粗通曉禮義  
可守身力耕以終老誰家紈袴子聰明矜少小嗜欲紛  
相攻廉隅不可保蹉跎久無成門戶嗟潦倒

### 瘦馬

日暮宿荒驛瘦馬鬣殘芻峻嶒支病骨力弱不勝車比  
年海波清官程無羽書驛卒縱侵尅棧豆幾無餘哀鳴  
羈櫪下俯首行長塗躑躅郵亭路馬質何嘗鶩

### 病鶴

庭中有白鶴毛羽何蕭索顧影臨清池徐步依叢薄  
翻已多年無心慕寥廓雖云難奮飛幸此免澹繳婆娑  
松風閣詩鈔

### 卷之九

古

### 再題嗣雅堂詩鈔

商畧新詩到幾篇寢門慟哭菊花前

井叔以重九前一日卒

名山

事業堪千古文字因緣盡十年齊物原知生有數多才  
畢竟損其天歸鴻夢斷江湖影廿四虹橋起暮烟

井叔時從

揚州遊  
幕歸

### 漢鏡歌

此鏡購之二十有四年長安市上幾貫青銅錢其文二  
十有八字分書宛轉鏡背鐫良工刻畫致精巧東京筆  
法神氣全方之古碑有如益州刺史北海相鸞軒鶴翥



妙入秋毫顛又如巴里坤勒裴岑紀功石磨崖嶮絕筆  
勢凌雲烟蠶絲一縷橫空盤六鈞之弩人傳觀環以海  
馬葡萄紋精光黯黯輕且堅有時可使卓爾立車輪輓  
輓几上旋平時韞匱等美玉偶然出匣碧盞青燈前我  
聞照膽照心經百鍊奈此模糊不堪照人面寶貴徒因  
時代逢古人白髮對蕭蕭流落千秋塵不澣當筵猶足  
爲君豪嗟哉玩物先儒戒嗜古亦是三生債金石紛紛  
考訂家各書所見何能備瑀戈象尊不可逢摩抄古物  
心忡忡

松風閣詩鈔

卷之九

五

松風閣詩鈔

長洲 彭蘊章 詠我

卷十 乘輶集 古今體詩六十一首

丙午八月視學閩省留別同鄉諸友

抽毫樞院幾星霜纔得拚閒話故鄉甲辰乙巳俱借諸同人爲消寒之集

仙嶠壯遊情自快清樽別意與之長有人試院扃門緊

不見秋山策馬忙一山心畬皆在秋聞未及話別今夕夢隨南雁去滄

浪亭畔柳條黃

良鄉行館贈周晴溪明府所

相逢曾記落花天巳卯春官試始與晴溪相遇京師客館青燈別幾年

松風閣詩鈔 卷之十

雉堞參差臨屋背雁聲嘹唳到霜前初停車馬勞人慰

喜聽絃歌邑宰賢我趁秋風渡揚子家書爲向惠山傳

君家無錫

涿州曉發

曉來山氣清初日照高城旅客關河思田家刈穫情寒

林飛鳥散霜逕隻驢行獨鹿西峯景蒼蒼馬首迎

新城卽景

風勁日將暮田家猶未休秋禾知已穫扶犁行隴頭稚

子村中來驅歸三兩牛及時當種麥遲恐霜雪稠我行

未卽次悵望前路脩長天雲欲暝宿鳥平林投

白溝河道中

陸行見帆影南客心悠哉我欲渡河去深秋鴻雁來乘  
槎凌海國弭棹倚江隈此日燕南道紅塵馬首開

行至德州祖芬自武城來迎詩以勗之

佐邑絃歌地所司汝念哉環濠三里近轉漕萬檣來孔  
道難爲役卑官易見才餘風文學尙懷古仰澹臺

長清行館望崗山

崗山聳當戶攢石千百拳石罅無雜樹青松繞山巔特  
立勢磊落槎枿根鬱盤山行得奇境坐令眼界寬來程  
已徧仄去路復躓岢眷念乘車客轉側不得安行役信  
松風閣詩鈔卷之十  
二  
勞苦况兹風日寒山僧茅庵任鳴鐘方午餐

行至齊河陳慈圃廉使度借前來話別越日至泰

安却東

九臯一鶴振清聲早識三霄聽更明世上廉泉能有幾  
山中芳杜不忘情秋宵剪燭郵亭話曉露沾衣從騎行

今日馬頭瞻岱岳頻年嵐翠映雙旌

君二至岱

初八日至泰安法敬堂太守

豐阿

姜玉溪明府官

殺訂次日爲登高之敘詩以却之

岱岳當前正重九殷勤地主約登高攜筇豈不風流慕  
駐馬其如供億勞日觀記曾攀葛上海天敢詡泛槎豪

雞鳴長揖郵亭下落帽風寒首重搔

泰安懷胡實甫歸德

憶昔同登岱岳巔盤輿縹緲入雲烟

庚辰應春官試借實甫遊岱高

巖二月飛殘雪幽澗千尋響碧泉攜客尋山虛此日呼

兒策馬話當年

時六兒來高隨侍同行

宋州太守今春別寄與新

詩應黯然

重九日由泰安至新泰度嶺作

重陽無雨亦無風百里經行赤日中滿地流泉人迹少  
摩天高嶺馬蹄通孤村大樹秋還綠峭壁斜暉晚更紅  
屈指陸程今過半鄉心遙寄菊花叢

松風閣詩鈔

卷之十

三

由新泰至嶽陽遇雨

秋陰漠漠羃山莊澗水聲中夢亦涼片石橋欹徒涉穩  
隻輪車重手推忙飄來細雨微塵淨行過清溪晚菱香  
隱約人家烟樹裏僕夫遙指是嶽陽

蒙陰攝合朱子湘

源

來謁知爲故友月帆明府

之弟詩以志感

蒙陰道上雨絲絲傾蓋相逢慰我思三十年間懷故友

二千里外結新知西泠宿草元方杳東國分符季重遲

喜見棣華還競秀

令兄瀚二泉任江蘇令

盼君名上

御屏時

十二日宿青駝寺

落日青駝寺征鞍喜暫停嫩寒凋樹綠微雪破山青凜冽秋將盡崎嶇路已經來朝渡沂水照見髮星星

由郟城至峒崕

已入江南境秋深氣候和晴波流碧藻宿雨洗青螺村樹初收柿田家早刈禾行行鄉思切歸計感蹉跎

桃源雨中

秋雨桃源路濃陰掃不開白沙雙鷺立紅樹一村來車繞清溪曲人喧午夢回馬嘶泥滑滑驛路破蒼苔

桃源旅次晤芝孫叔

久作淮南客相逢髯點霜家山千里遠愁緒百端長歸

松風閣詩鈔

卷之十

四

計同難卜生涯各一方且乘官舫去騎鶴問仙鄉同至揚州

清河舟次晤霽峯兄

垂老思鄉切中途喜見兄依人終下策有子望成名綠酒殷勤酌蒼顏歲月更他鄉逢舊雨適館記彭城

清江贈顏敘五觀察

以煥

金聲劍氣與軒昂西塞從戎著兩襠五鳳樓頭同橐筆  
七峰墅裏記聯牀敘五與余同值內閣後又共在樞廷二年朝來淮北西風

緊秋盡江南水驛長彈指六年光景換離情又縮柳條

黃

清江舟次知鳳姪秋闈中式詩以志喜

少小能詩長更才秋風剛賦鹿鳴來漫誇王謝門材盛  
須念高曾世德培紫燕嘶風辭首蒼青鸞拂羽向蓬萊  
淮南落木家千里喜見賢書倦眼開

露筋祠

古廟荒烟合門臨萬頃波依人慙魯婦抱父憶曹娥庭  
際榮貞木牆頭暗女蘿我來秋浪濶不見滿池荷

揚州謁芸臺相國

父執今誰在山中老相臣賢書周甲子仙籙守庚申寂  
寞黃扉迹從容白社身頻年違杖履一笑又江濱

渡江懷三兒祖芬武城

松風閣詩鈔

卷之十

五

十四年前渡揚子乘風與汝共江船兒童驚見波濤闊  
弟妹方同枕席眠驛路星霜催我老巨川舟楫讓人賢  
天涯回首離愁結北固秋高起暮烟

鎮江舟次外孫汪兆圻隨其父曜炳甥來迎詩以

志喜

憶我辭家日謂甥誠可妻燕婉曾幾時生兒年十四謂  
當迎外祖隨父扁舟至生小性聰明言能讀禮記汝母  
爲我女祖母爲我妹傳語各平安從容可人意我久宦  
京華日月感逾邁昔入少年場今看推老輩客囊無長  
物贈以容刀佩別我隨父歸倚閭母心慰

鎮江府學謁蔣塵絲師景曾不遇

渡江趨絳帳問字溯前遊岸柳餘青眼汀蘆感白頭應  
門惟五尺返轡待三秋來日胥江上還乘訪戴舟

自渡江日遇順風連日皆東風舟行甚遲

天假半帆風送余揚子東已為江左客計日故鄉中

喜見來帆順運行我亦安東南風力緩終勝住江干憶王

辰北行江口守風三日

常州贈桂星垣太守文耀

校射憶同堂西風點筆忙癸卯十月余充順天武鄉試校射星垣時為監試御史

每嗔金勒緩還喜角弓強贈策憐君別分符莅我鄉江

松風閣詩鈔卷之十

六

南來話舊相問有賢王是科肅親王為監射今年相見園廷猶殷殷以星垣為念

奔牛鎮喜仲弟至

去家百餘里絡繹故人來蒼老驚吾弟空山歲月催著

書生眼纈譜曲鬪心裁把酒滄江上紅塵首重回

西山祭先塋

鱗溪門外片帆開子弟相從祭墓來一別家山幾寒暑

重尋舊徑長莓苔已虛捧檄毛生願多愧題橋司馬才

手植松楸濃蔭滿九天雨露愛滋培時先嚴初受二品贈

還家與諸弟山房夜飲

別時送我到江干乘傳歸來共一餐籬畔短松纔出屋

塾中童子已高冠相逢故里情何限信宿山齋夢亦安  
此去蓬窗看畫景霜楓早染滿林丹

杭州夜飲吳姓舫學使

鍾駿

齋中

好風吹我到臨安落木蕭蕭水驛寒短棹頻年遊屐斷

高齋今夕故人歡荔枝風味談猶快

君曾視學閩省

莼菜鄉心

願暫完重過吳門懷大阮故山香雪有誰看

昔付棣華令叔於問

梅詩社今過吳門愴焉有感

子陵釣臺

巖巖磐石枕江邊想見披裘坐釣年高節能忘天子貴

盛名還賴故人傳三篙碧漲濃春釀兩岸青山送客船

松風閣詩鈔

卷之十

七

到此紅塵消欲盡淮陰回首渺雲烟

過烏石灘

兩山東如門中流一灘水水面浪層層水中石齒齒下

止數尺深懼石齧船底篙師并力撐雜遝喧聲起逆流

遇順風拮据還若此倘逢石尤阻日暮泊中泚搖櫓羨

來船輕如杭一葦

江山船竹枝詞八首

鳳山門外水連天好趁東風早放船幾日身行圖畫裏

篷窗一枕小遊仙

霜晨水色碧於油想見春深鴨綠浮兩岸青山圍畫舫



富陽城郭水西頭

嚴陵臺下白魚肥  
桐子山頭桑葉稀  
一陣寒雲飄細雨  
舟人齊著紫機衣

邪許篙師度急灘  
一川碎石水漫漫  
水清見底深三尺  
不怕風波只怕乾

石塘洪底石磐陀  
未許輕舟月下過  
行到蘭溪船便穩  
樓臺十里映晴波

霜葉山頭漸染丹  
西風一夜送新寒  
渚花汀草多情甚  
留與蓬窗醉客看

鷺鶩灘畔水粼粼  
行客看山過富春  
聞說龍游溪更窄  
松風閣詩鈔卷之十

蓬萊清淺幾千春

瞳矐放棹浪潺潺  
落日停舟水一灣  
共說江山名自古  
行行卻不到江山

至江山縣須換小舟而入

夜泊羅埠不寐枕上口占

冬暖北風至打窗  
寒雨聲急湍舟不定  
孤客夢常驚歲晚  
添愁思天涯問遠程  
聞雞中夜起回首憶春明

遠行篇

山行偏涉水肩輿  
彳亍深澗裏水行若登山  
篙師叫號上石灘  
行四千里匝兩月  
一身常在山水窟  
山水糾紛眉欲攢  
黃塵翻使羨長安  
揚鞭九陌平如砥  
不識人間

行路難

龍游曉發

船到龍游水漸平，曉風吹送一帆輕。  
蒼茫烟樹人家遠，漁浦天寒聞雁聲。

遇蔡劬菴太史

念慈

典試福建回京託寄家書

伯勞東去燕西飛，相遇江干舊釣磯。

劬菴

浙人君過蘇州應

暫泊家書聊與附鴻鴈

湖鎮卽景

日暮桐江路清波鏡一奩危，橋還有石古塔欲無尖。  
灘過風初定，帆收雨乍霑。蓬窗開四面，殘月照纖纖。

松風閣詩鈔

卷之十

九

舟中晚眺與喬仙姪

字甲

聯句

斜日川塗暝

詠

扁舟渡口歸，遠山雲絮擁。急水雪花

飛江靜，魚鱗躍

詠

村寒木葉稀

喬

萬松蒼翠裏，燈火透

林霏

詠

將至衢州作

浮江艇子一鴻毛，行過龍游水漸高。  
山色乍添終夜雨，灘聲如吼萬松濤。  
崎嶇慣歷渾忘倦，汗漫初遊欲告勞。

閩嶠雲深容我住，仙霞嶺畔謫仙遭。

聞李

鐵梅閣學在浦城相待

由西安渡江至江山縣

陸行無百里，喚渡又乘船。日色雲陰駁，溪聲石罅穿。轉

輪看水碓種麥墾山田報賽豐年景迎神到嶺邊

度密嶺作

驚嶺盤紆客乍登三峯南去路如繩

江郎有三峯名三片石

冬山

蒼翠渾疑夏溪水潺湲不見冰蘿壁穿雲開絕境稻畦  
因澗築連陸斜陽欲墮天逾暖嵐氣濛濛帶霧蒸

度仙霞嶺禱於山巔神廟

千盤石磴擁高樓覽勝應躋最上頭閩越山川秦絕塞  
松篁古廟漢亭侯三年考校祈神鑒九郡文章給我求  
聞道先儒崇理學願偕多士勵前脩

楓嶺

松風閣詩鈔

卷之十

十

夜寒風急曉霜輕薄霧霏霏鶯鶯嶺橫染出楓林丹萬樹

越山幽秀勝天平

吳中天平山楓葉最佳

門前烏柏野人家誤認寒梅竹外斜鄧尉風光千里夢

劇憐舊侶獨看花

謂琴酒觀察

曉發石陂驛

侵曉石陂路風聲木葉乾白雲停一塢紅日隱三竿樵  
唱聞山徑漁歌下急湍板橋人迹少霜重怯新寒

南方氣暖

時將冬至始見濃霜

馬嵐卽景

落葉已如許泉聲還滿山化機原不息天道若循環幽

境畫難肖勞人心亦閒古碑應可讀下馬剔苔斑

### 建陽懷古

建溪古驛暮烟橫岡嶺迴環碧繞城欲向考亭尋故址  
偶來閩嶠發幽情社倉良法思前哲試院遺風迪後生  
聞說景賢文學盛要將月旦示公評

縣有景賢書院朱子裔孫多肄業焉

余因行程匆促留題觀風

日高建溪行館遇大霧行至南嶺作

朝來寒霧重忽失窗中山行行三十里始見扶桑暎石  
徑芒屨滑僕夫走逡巡日暮逾南嶺楓葉隨鴉翻冬序  
已將半南方氣猶溫狐裘虛在篋魯酒不待醇念此征  
松風閣詩鈔卷之十  
途遠舟車歷艱辛雲衢何寥廓越鳥求其羣行盡斗牛  
野回看析木津

### 北津道中觀舟行

日高霧氣散水上烟濛濛白雲蔽青山隱約三兩峯溪  
流時激壯清響攙松風扁舟下灘去屈曲如游龍捩棹  
避危石瞬息山千重嗟彼上水船咿嗶各西東日行數  
十里泊舟當下春憶余桐江路淹滯感萍蹤陸行今十  
日臨流對征篷勞生事行役翹首羨飛鴻

### 水碓

轉如轆轤捷機如桔槔巧旋運借天功人力所施少飛

瀑下危灘臨流茅屋小屋中機械藏春穀家家飽一夫  
抵萬牛利用誠可寶何物堪同功火井思蜀道

水口舟次

山行無路復乘舟獨客篷窗景最幽落日千家燈影亂  
平江一枕櫓聲柔憶從跨馬辭京國喜見抽帆到海陬  
三斗紅塵今撲盡秋光已逐水東流

洪山橋

江程盡處鎖虹橋地接榕城十里遙船似蜻蜓飛款款  
人如鴻雁路迢迢羣山黛色迷寒霧大海琴聲雜暮潮  
早識此邦文物盛漫拋鉛槧負乘輅

松風閣詩鈔

卷之十

十一

松風閣詩鈔

長洲 彭蘊章詠我

卷十一 問心集 古今體詩九十三首

問心堂課士口占

乘傳居然到海濱三年校士始今辰潞河春雨懷前度

甲辰春至通州試順 閩嶠秋風感夙因 先伯父少司寇公會典試閩中

傳世文章千古事及時桃李一番新敢誇老眼明如鏡

慣作門前鵠立人

登浮青閣

朝來高閣一憑欄城市居然眼界寬門外潮聲喧萬弩

松風閣詩鈔 卷之十一

簾前山翠擁千盤人如賓雁憐孤影天似秋陰送薄寒

卻喜移家雲水窟舟車歷盡夢魂安

題劉玉坡制府

韻珂自立圖 公撫浙時作

盤錯保危城窮黎萬戶復得生精誠感海若驚濤一夜

皆歸壑問公致治何由神已欲立今兼立人昔公撫浙

為衆母去思之碑在人口禦災捍患獨立而不懼排雲

披腹擎天手歲月兮駸駸白髮兮相侵展畫圖於閩嶠

想見錢塘江畔焚香清夜悄乎憂深豈有青衫朱履飄

飄焉如漫叟之入山林蓋可繪者巖巖之貌而不可繪

者蹇蹇之心

歲云暮矣喜黃生至

喜拂征衣送臘前爲言風雪滿山川昔從王粲登樓賦  
兩如曾應王夢堂學使今共袁安對榻眠  
與袁宗山同峻居小嶼陶館

阪馬蹄何蹀躞舊巢燕羽自蹁躑南方冬日梅花發漫

詠金臺炙硯篇  
甲辰冬與沈棟泉錢警齋詠炙硯兩筆等詩

題江巖叔立馬雪中看嶽色圖

嶽色撐空碧落高衝寒何處醉葡萄凍雲深壑泉聲濕  
禿樹歸鴉雪意豪詩骨峻嶒鑿白戰名場蹀躞戀青袍  
殘冬又作三山客欲向滄洲釣六鼇

登三百三十三亭望城外諸山  
亭在署中爲大典與朱竺君學使

松風閣詩鈔卷之十一  
二

建亭前環立三百三十三石皆其所  
得士購而持贈並各鐫其名焉

空亭突兀帶斜陽瘦石嶙峋碧繞廊環列兒孫皆下拜  
不知誰是丈人行

廿四龍鱗般若臺千秋未盡沒蒿萊空懷筆虎增惆悵  
何日巖前剔紫苔

華巖秀色冠三山只有風雲自往還三十六奇探不得  
蜃樓咫尺幾人攀

問道城東有鼓山城中遙望好烟鬢高僧刺血書經卷  
喝水巖前晝閉關

送鄭夢白中丞祖琛赴粵西任四首  
丁未

相逢曾幾日彈指卽天涯  
甘荔未成實幽蘭初試花  
我行先作別君住本無家  
極目灕江路飛雁影斜

茗溪好風土山水藹清暉  
毓秀人文盛匡時傑士稀  
先生敦古義獨出赴重圍  
歎息曹江畔蕭條遊子衣

時公告養在籍慨然  
赴軍中籌畫守禦  
告警

越石同袍久玉坡制府在浙  
時卽與公共事彭宣贈紵新行行一揮手

寂寂各傷神桂樹好畱蔭  
柳條方弄春甌閩山萬疊還

望馬蹄塵

風流承夾深鸞鳳歎無儔  
獨種菩提樹同移般若舟

戒鬪說又與潘功甫舍人同撰勸濟  
溺文刊本屬余於按試時散給生童  
畫圖披谷口公有  
小谷

松風閣詩鈔卷之十一

三

口畫圖旌旆代南州與徐松龕  
中丞對調莫惜關山遠郵筒好唱

酬

題楊雪椒光祿慶琛松陰飼鶴圖

名山無雜木百尺老龍鱗  
瘦影翔孤鶴高齋伴主人  
芝田如可種秫圃未全貧  
策杖烟霞裏梅花耀古春

潘功甫舍人屬題武夷九曲圖雜書八絕卽以寄

上懷

先生示我九曲圖來尋漁仲山之隅  
舍人屬余攜至閩  
中并乞鄭夢白中

承題斯人已向桂林去行過武夷看不殊  
夢白移節粵  
西路過武夷

考亭講院荒烟中一語維持賴鄭公  
建陽考亭書院將  
廢予言於夢白延



廣文  
主講  
我過建溪欲相訪獨愁此意無人同  
夢白本欲振興考亭今惜

粵西

人溺誰能如已溺苦提種子世間稀  
功甫因閩浙多溺女特著勸濟溺說

屬余攜入閩中勸導夢白又綴一文余加  
一示同付刊本攜至按試各郡散給士子香醪萬斛醜

醐潤獨飲其如酒力微

黃塵紫陌感華顛來訪名山有夙緣記否白門同策蹇

少年意氣渺雲烟

功甫與余同試白門騎驢入太平門各振策爭先迨今已三十二年前事

矣

無田不退笑東坡仲蔚蒿廬竟若何天際閒雲爭出岫

人間幾見雨滂沱

松風閣詩鈔卷之十一

四

未有名山藏著作何能竹帛紀功名紛紛擾擾知何意

孤負清鐘午夜聲

偶因拜墓入家山歷歷當年路往還

去冬余道出家園入山掃墓五日

訪到山僧多物化空畱茅屋在人間

秋蠋不食須脫蛻春蠶欲眠待吐絲楊柳未黃桑未落

絲成蛻盡定何時

仲弟從余至閩仲春試延平竣事卽由建寧歸里

送別二首

雁羽分飛十四年暫遊閩嶠對牀眠吾生最寡唯兄弟

客裏相依到海天遙遡家風思述者每論往事各淒然

依依楊柳勞人感博得名山記一篇

髻齡孤露並堪憐弱蔓成陰自有天門祚未衰吾獨幸  
父書能讀汝唯賢別來梧院容顏老舊居碧梧廬偶到榕城

去住便白髮蕭疎情尙壯慣攜琴劍度山川

建郡試院作

閩山萬壘削芙蓉覽勝來登第一峰三月韶光開試院

千秋理學仰儒宗郡爲朱子講學處松筠晚歲姿還秀歐邑馮正炳六

十遊喬梓聯柯蔭更濃張逢年及其子冠英同登今日簪花傳韻事

長安陌上盼相逢

得仲弟書知已度仙霞嶺

松風閣詩鈔卷之十一

五

別我山千疊飄然歸故鄉早梅曾共賞甘荔未同嘗度

嶺日將暮遊湖春正長光陰一彈指去去臥漁莊

建寧贈陳雲門總鎮述祖

曾向吳門作寓公相逢兩度建溪東當年海角馳戎馬

君曾任定海鎮此日山堂射畫熊儒將風流清望重勳臣闕閔

賜階崇與君閒話蘇臺景柳色金閨在眼中

鷺洋口占

日高曉霧未全收茅屋巖前景最幽正月桃花紅滿樹

人間自有越春秋

建溪水閣卽次和兩如延平登大觀樓韻

閩山三月天多雨，門外時聞吠蛤聲。  
人靜始知湍水急，霧收纔覺遠峯明。  
春禽噫噫如迎客，嘉樹葱葱半繞城。  
行過虹橋灘漸穩，白沙深處一舟橫。

由麻沙至邵武書所見

清谿深處有人家，結伴攜筐去采茶。  
行過長橋都不見，

滿山開遍刺桐花。

大麥已收秧已插，農家暫得幾時間。  
稻田十日苦無雨，水碓吸泉灌一山。

榕樹蟠峯蔭一村，杖垂到地又成根。  
包羅山石渾無數，

松栢孤高莫共論。

松風閣詩鈔 卷之十一

六

初夏邵武試院作

不須登眺有高樓，靜坐軒窗景倍幽。  
亞字闌干人倚處，一庭細雨似蘇州。

醱醱如雪柳如絲，已及長安芍藥時。  
秋盡冬來花不斷，東君無令定花期。

觀瀑

山行逢雨後，竟日聽流泉。  
激石雷聲壯，懸崖雪色鮮。  
歸墟終到海，潤物本從天。  
倘使歌雲漢，何能及我田。

將至汀州宿石牛塘行館作

烟巒疊疊路迢迢，雨後春泉走怒潮。  
一穴如臍山頂臺，

連甍似翼澗中橋道旁人語煩重譯屋後禽聲徹永宵  
好趁新晴度溪去穿林未惜馬蹄遙

盤蛇逕曲澗聲長行過前岡繞後岡雲擁千鬟新雨到  
風來四面野花香引泉別嶺看連竹眠犢前村罷插秧  
未及黃梅先溽暑亭亭荷蓋滿芳塘

汀州試院玉衡堂獨坐口占

虛堂延佇久幽景畫難如雨後看山近風前覺樹疎屐  
聲聞斷續吟韻出紆徐童冠春風裏何人會起予

汀州玉衡堂雨中看山作

白雲滂然起忽失牆頭山微風吹細雨濛濛天地間潤  
松風閣詩鈔卷之十一

七

物固可喜恆雨亦爲愆剛柔得中道造化始無偏堂前  
俊髦士如木待澤然誘之以古訓恂恂樂我寬豈無稂  
與莠尙煩鉏且耐雨止日光烈山色連青天

龍巖道中

峯轉人烟密彎環路欲迷梯田橫樹杪水碓傍花蹊榕  
老一村庇山深百鳥啼肩輿行得得坐看夕陽西

歷試各郡新進弟子員多以其母苦節請褒者感

而有作

先儒垂禮教遺澤到于今

閩爲宋大儒  
講學之地

問俗乘驄馬褒

賢重士林孤兒數行淚慈母卅年心動我蒿莪感空懷

陟岵吟

先慈棄世九年余始遊庠

來也汀州校射屢過蒼玉洞未及題詩行至龍巖勝于  
白雲蒼玉洞者不少徘徊奇景爰記一章東汀州太守

李竹朋同年

佐賢

汀州蒼玉洞石笏撐青天岵岈勢空曠樓閣森其間老  
樹臥洞口下臨急水湍湍中多白石突起爲層巒造化  
毓靈秀水清石不頑羨彼好事者留名鑿其巔悔余當  
鞅掌未及題詩鑿及行龍巖路石洞如屋然晴晝滃雲  
氣滿屋飛寒泉其石峭而潤奇狀非一端或蹲如伏虎  
或翥如驚鸞或芒如劍戟或立如衣冠或下垂如釣或  
松風閣詩鈔卷之十一

八

青蓮

詠佛手柑

南天候常暖花多香氣失惟有秋蘭花一朶香滿室更  
有佛手柑其香與蘭別蘭香幽而靜佛手濃且烈江南  
秋爽時木樨差堪匹此果洵美矣稱名則何說良因金  
色臂曾聞梵經述合掌與摩胸肇錫歸之佛自闢洪荒  
來此果生南土當時未有佛佛手名非古

萬松關

蒼翠入雲間層巒繞一關更無人到處只有鳥飛還峻  
坂經千折荒村雜百蠻惟餘高曠意回首出塵寰

九月望日由泉州至永春塗中秋風大作計自首  
春按試迄今寒暑已更巡閱倥偬於士習曾無裨  
益良用自愧各郡司鐸惟興化莆田仙遊及漳之  
南靖訓課尤勤士林嚮慕喟然有作非獨嘉此數  
人亦將以勵其餘也

閩南九月時吟蟬猶未歇暑氣今初降秋風爽肌骨陟  
山喜雲開穿林看泉出莫嘲張蓋遊境清神自逸我行  
始孟陬我歸在陽月征塗歷寒暑駐馬搜篇帙雞鳴肅  
松風閣詩鈔卷之十一

九

衣冠何異趨朝日駢駢敢云勞諄諄誨常切此邦多俊  
髦文行兼華實聞風能起予從善勇無匹觀此怡我心

相長本儒術

余以甫舍人

先嚴所輯廿二史感應錄暨潘功撰勸濟濁女文鄭夢白中丞撰戒

圖說並余自刊楷字果報錄等書散給生童有邵武優生廖天衢汀州優生馮安邦俱願重刊以廣流傳上杭紳士有願振興育嬰堂者泉州貢生陳黛青願將戒鬪濟濁二書遍傳鄉里以資化導其餘諸生呈所刊勸善之書求作序

豈無陷愚蒙舞文干法律獄訟及錙銖爭

鬪起豪忽褫鞶及施楚不恤申韓筆揚波不撤薪止沸

何能必良慚學校司無功笑迂拙

漳州生童舞樂懲泊數人各郡生員因案

革衿戒飭者已四十餘人之多

嗟彼廣文官科名皆甲乙寂寞守青氈

蹉跎垂白髮朽索馭奔馬安能救顛蹶就中誰最豪南

靖推人傑

教諭劉宗成

興化三賢宮青雲器宏達詩禮振綱

維才俊歸識拔善誘會以文潛心入理窟彬彬絃誦人  
薰德芝蘭室束身如圭璋何肯使玷缺安得秉鐸才皆  
如此矻矻使者坐論文無爲事苛察

### 大鵬山

大鵬如欲翥回顧永春城度嶺看逾肖摩天勢不平飛  
泉含雨氣灌木起秋聲不盡登臨興山前暮靄橫

### 興化試院對菊書懷

山水致清曠其如鞅掌人四時花迭秀把玩辜芳辰首  
春事行役初涉延平津始見桃李郁尋看荷芰新秋蘭

### 松風閣詩鈔

#### 卷之十一

十

馥龍巖丹桂榮永春迨茲孟冬月閩嶠將周巡駐馬梅  
峯下黃菊綻霜晨空庭列盆盎層疊山嶙峋開軒日暝  
對瀟灑起風塵愛此供詩料不辭酌酒頻舟車行暫息  
花木情相親但驚歲月改子立天涯身親交渺難即我  
懷向誰陳

先君子輯廿二史感應錄夢白中丞重刊於粵西

以廣流傳并撰序言寄示賦此志感

王化明賞罰儒功歸勸懲陶淑在當世千載聞之興悠  
悠古簡冊傳紀非無徵綴筆事採擇清濁分涓涇勸戒  
師古訓剴切同箴銘鑿楹得是書垂老愈服膺旣欲持

自鑑還用貽友朋去年忝使節攜此閩山行公移粵西  
去持贈有餘情比聞付剞劂流傳廣殺青更煩元晏筆  
敘述爲光榮所欽同善意豈唯感垂名小子濫掄才無  
術陶羣英一編本家訓敢迪資儀型余刊于閩以給士子爾來戒  
鬪說亦遍漳泉汀夢白撰戒鬪說屬余散給各郡生童薄俗驟難易公願  
則已宏粵西風淳樸施化或易承殷勤勸開墾會見鄧  
渠成下除民疾苦上作

帝股肱佇投榕門集官箴傾耳聽公至粵西因多曠土作勸墾說又刊陳文恭公在官法戒錄等書將以見貽

十月五日興化試院憶去年今日西山掃墓

松風閣詩鈔卷之十一

十一

十月蕉林絡緯啼梅峯頂上草萋萋驚鷺昨夜吹窗急  
木葉紛紛墜碧溪

江南已過木樨時搖落山容瘦更奇拜墓匆匆今一載  
驚心歲月去如馳

哀周蓉初比部同年

昇

弱齡登甲科壯歲仕郎官蹉跎行半百野鷗來無端良  
農早刈穫釜米不及餐辛勤苦手足與子同一歎下無  
黃口兒寡鶴聞哀彈想當捐棄日行路爲辛酸況我同  
袍久天涯涕洟瀾

百一詩



束髮慕古哲伏陛吐忠肝自矜康濟畧所恨非言官蹉  
跎老將至儻戴觸邪冠寂寂無封事緘默以自安民生  
與國計痛癢豈不關建言誠易耳得人良獨難徒懷素  
餐恥焚香詠伐檀

榕城歲暮偶成

南方氣不齊寒暖四時迷每見花冬發時聞鳥夜啼終  
朝窗黯黯送臘草萋萋所幸無霜雪巡檐手杖藜

題啟叔集道堂詩卷

奧凌昌黎句嶽峯山谷詩兩賢生異代隻手在今茲刮  
目三年學傾心一字師夢中誰授筆使爾露瑰奇

松風閣詩鈔

卷之十一

十一

題黃蘅洲太守

慶安

二硯圖

戊申

十硯飄零存二硯

蘅洲曾伯祖莘田大令藏古硯十名其居曰十硯齋今蘅洲於山東得其

一河南

得其一搜羅早已遍鄉關不圖江左留其一更借輶車

為送還

余三十年前在家得十硯齋硯今以贈蘅洲亦異時佳話也

三年水部舊同曹海上相逢感二毛可惜風吹雲出岫

未容共聽鬱輪袍

時蘅洲將出山

衡山手筆早朝詩盡是昇平雅頌詞一卷感君持贈意

豸冠歸去傍

丹墀

蘅洲以文待詔書早朝詩卷為報

白鶴嶺

素聞白鶴高到此乃直下始知此山巔卻為羅源借羅

源似平衍其高實堪詫今從千丈落盡日不得罷俯視  
海中島巖劣如筆架放眼滄洲寬聳身雲霧駕冷泠御  
風行飄飄若羽化短吟紀壯遊何必尋嵩華

白石渡海

下流卽滄海今東兩崖間波浪亦已猛無風行尙安焚  
香告海神我來自雲端此去仍天半豈知行路難更聞  
飛鸞渡洪流湧急灘我行不到彼涉此水一彎布帆好  
相送春光龍首山

先慈諱日福寧試院感懷

半生祭奠在天涯海角行臺詎是家四十九年駒過隙  
松風閣詩鈔卷之十一

孤兒兩髻點霜華

蘭陔堂裏殯宮安白髮重幃血淚彈

先慈殯於蘭陔草堂時祖慈尙在

三尺兒童知底事麻衣空對素帷寒

扁舟移櫓到堯峰十里橫塘飽朔風

十二月安葬是日大風賴有

鶴原諸父在替呼畚鍤夕陽中

藟章乘舟後至伯父秋岳公叔父竹坡公先已

送柩入穴俟藟章至祭奠後卽封壙

列鼎何如負米年青燈獨夜淚潸然委蛇九棘終何補

柵帳家山未表阡

仲春至霞浦寒甚口占示同行諸子

南方氣候暖三冬始著棉蠅蚊時聚鬪狐貉常棄捐二

月戒行李單袷堪禦寒誰知龍首畔凜冽如幽燕北風  
吹麥隴冷雨灑梅田春寒砭肌骨安得酒如泉良因濱  
東海又處山之巔其外無屏蔽東南水連天地勢踞高  
峻腳下生雲烟十日九陰霾非爲時序愆風霜吾久歷  
念茲諸少年相從到海角號寒實可憐

霞浦八景

龍首鍾靈

山形宛如龍曲抱霞浦郭卻似安公騎揚鬚望碧落

馬鞍獻秀

走馬海東天何人遺此鞍女媧來煉石下馬便乘鸞

松風閣詩鈔

卷之十一

十四

白巖溪水

巖泉流百道奔注茲溪中秋夜月明處練光如白虹

赤岸石橋

斷岸垂虹亘碧波橋下明四山霞彩起疑傍赤城行

南禪佛刹

層巖路紆曲古刹現南禪縹緲諸天近鐘聲聞隔烟

後港漁舟

曲港可垂綸漁舟泊烟際日暮秋風生中流自搖曳

松山戍角

萬松圍一山赤埴化爲綠卓哉古賢哲所至美風俗

梅嶺郵亭

梅嶺花如雪停鞭玩早春故鄉千里遠折此贈何人

桐山四景 福鼎縣

石湖春漲

石湖在吾郡此地亦同名春水碧如此懷哉范致能

蓮花曙月

太華峯移此倚天削不成月明山夜碧一杵梵鐘聲

玉塘秋色

玉塘橫十畝秋色滿漁莊白露零豐草霏霏秔稻香

雙髻凌雲

松風閣詩鈔 卷之十一

五

仙姝留髻影蒼翠壓人寰跨虎歸真去何時還故山

寧川二景

鶴嶺停雲

白鶴翥雙翼矯如謝籠樊惜無玉喬侶控此登天門

飛鸞湧月

飛鸞仙蹟杳海角夜通潮乘月中流渡如聞吹玉簫

石堂六景 寧德縣

翠屏霽雪

千林雪初霽遍地森琪花曲曲翠屏路欲尋樵子家

石屋朝雲

滄然雲氣出石屋青濛濛千載題詩客吾懷韓信同人

笑天獅子

唐山色堆藍兀立如獅子萬里出函關誰能維繫此

蛟潭浸月

九曲唐溪水當年起老蛟空潭留月影珠彩散溪坳

文峯卓筆

東海爲硯池山雲作潑墨巨靈來書空負以大鵬翼

棋盤仙蹟

昔聞爛柯山觀棋更時代今見此山中仙蹤無定在

壽寧四景

松風閣詩鈔

卷之十一

七

爐峯宿靄

雲氣裊爐烟青峯高接天潯陽泊舟客到此重留連

仙嶺石乳

萬仞攀仙嶺明珠走玉盤爲嘗清冽味芒屨上層巒

仙橋臥象

巨石形如象臨流長鼻垂浮虹通絕澗還憶渡河時

七星長橋

一澗急湍瀉驚心待渡人鼉梁橫十丈莫復問迷津

霞浦試院雨中看山作

北方氣暖雨將至捲地風來天豁霽閩南風作霖雨隨

晴望山頭朝霧蔽山川亦各有性情海角自與中原異  
如人欲洩心鬱陶或託歌嘯或流涕千山磅礴鎮東海  
磊落頗得畸人致吾生自覺患平庸喜借峯巒益奇氣  
偁軀未耐霧露侵豪情仍向烟霞寄東有太姥西武夷  
芒鞋一兩平生思

龍首山中看雲起

白氣蒸萬壑須臾遮一山空中飄細雨兩歇雲上天前  
山忽平頭後山忽削肩深谷漫如海不辨水與烟惟聞  
潺潺聲知是橋下泉行人屢相失飛鳥時來穿東嶺日  
光漏西巖仍黯然午風吹漸散松篁露鮮妍行行望村  
松風閣詩鈔卷之十一  
落還在有無間

七

登龍首山望海樓作東莊衛生太守受禱

昨披太姥圖羣峯蔽虧天糝糊

福鼎生員  
陳九苞畫

今登龍首山

飄飄身墜滄洲間升高望海雙眸豁但見帆樯遠天末  
縹緲蓬萊不可求鯨魚跋浪使人愁行盡千山忽無地  
莽莽乾坤古今思我聞海上多神仙摩霄峰頭曾鍊丹  
容成一去幾千歲葛翁躡屨登其巔山高水深人迹絕

時有白鶴飛翩躚篆文六字尋不得明珠闕采藏驪淵  
唯聽萬松嶺畔濤聲急鳳笙龍管吹嘈雜豪氣猶勝酒

百觴鄉心莫問雲千疊太守毘陵我故人相逢海角更

相親來朝揮手度嶺去嶺上鶯啼時暮春

觀耕山田作

海濱斥鹵多山田層層直上山之巔最高灌溉待時雨  
下者鱗次承流泉春耕人在白雲裏秋穫擔從黃葉邊  
生齒日繁地力盡手足不惜胝與胼田磽還幸賦稅薄  
終歲八口衣食完邇來白蠶價增倍一兩兩貫青銅錢  
鬻米得錢錢有幾市鏹竭蹙輸在官圍法久廢錢不鑄  
民間日用常缺然仰觀耕作坐太息  
朝廷立法原從寬

度白鶴嶺避雨作

松風閣詩鈔

卷之十一

六

濃雲蔽山頂人向雲中行匝地作水色空中聞雷聲風  
吹急雨至旅客心怦怦半嶺喬木下三弓地卻平停車  
看雨過始見羣山青因思去年夏冒雨遵長汀今值載  
陽候淒淒雨復零危磴陟百級僕夫足凌兢旦夕眺東  
海行役勞吾生

五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

鹽林山田作

時時來問耕手更餘去歲土膏初起暮春

松風閣詩鈔

長洲 彭蘊章詠菽

卷十二 問心集 古今體詩一百十二首

贈王生叔蘭

道微 二首

四十博一衿同儕推老宿莫耶新發硎管城豈云禿低  
頭理殘編志不存干祿三山文獻徵磊磊滿君腹鍵戶  
且著書出遊常秉燭懷哉逐世蹤幽蘭在空谷

幽蘭洵美矣何如秣稻香刈穫足民食棗盛供  
帝倉爲功在斯世豈獨予情芳且讀有用書來日今猶

長學成識俱進再問名山藏余亦老鉛槧相長期無荒

松風閣詩鈔 卷之十二

春夜山中作

閩嶠春三月亂蟲啼滿山非蟬亦非蟀聒耳聲譁然良  
因地氣暖草木常滋繁冰霜終歲少蠕動全其天惟人  
少閉藏精華盡洩宣苟無修養術安得齊彭篯

題楊雪菜光祿柳港歸漁圖

伊人本是釣鼇手一笠歸來五柳居早識直鉤無用處  
閒遊濠上爲觀魚

居然青箬綠篔衣勤寺肩隨舊夢非難得天涯重結侶

每因索句叩苔扉

吳興 道蘇章精爽

綠楊如霧水如烟花與漁莊別有天釣雪舟中詩意冷



楊誠齋  
故事  
家風好託畫圖傳

鱒魚新詠和偏遲  
君有新詩  
尙未和答  
想見珊竿入手時我憶石

湖垂釣處秋風鱸膾季鷹思

閩南夏日口占三首

石瘦人同瘦  
閩人面  
多瘦削  
魚奇蟹亦奇  
魚奇形甚多海蟹  
形亦異於常蟹  
惟

當烹雀舌勺水掬清池  
惟茶尙可飲庭  
中亭泉亦清冽

落葉半庭長夏  
夏間樹  
多落葉  
好花不斷三冬羣木四時蒼翠

後凋何必青松

濃霧一天蒸日出清風幾陣雨隨來深宵擁絮朝披葛

十二時中四序催

松風閣詩鈔 卷十二 二

鱉魚  
鱉魚十二足其尾長於身蹣跚形似鼈負雄游海濱魚

子堪作醬羸美調甘辛一朝入漁網漑釜同凡鱗

食荔支有懷仲弟

荔支兩度熟未與子同嚼虛此閩山行口腹抱餘憾憶

看烏柏株燦燦依野店疑是嶺頭梅芳意春前占共嗟

風景殊歲月去如帆  
去聲  
我在烟嵐中終日操鉛槧遙念

蘇臺人枇杷應屬饜

烏啼

風雨萬山深烏啼無好音鶯歌玉階怨燕語白頭吟

意春尤冽嵐光晝半陰清聲蘇病骨海鶴下遙岑

荔支全韻詩

有序

庭前荔支初熟偶閱蔡君謨帖作斷句三十首  
扶荔名高漢代宮獻來南越翠犀同懷柔雄畧推隆準  
賜與葡萄蜀錦紅

天寶珍奇比正供星馳南海驛千重長生殿裏題新曲  
一騎傳來報許封

君謨荔譜品無雙紫號陳家綠號江今日講堂畱一樹  
離離幾顆傍榕窗

上林幾見種離支無當應教比玉卮劍閣雲深巴峽遠  
松風閣詩鈔卷十二

三

蜀川風味馬卿知

西域蒲桃魏帝譏北方佳果比應稀貢裁七郡東京事  
豈料唐家有貴妃

王逸朝霞擬不如稚圭星映漫修書張梨梁柿都無色  
中令才華合賦渠

萬樹玲瓏色點朱忠州白傅繪成圖終憐蜀棧長安遠  
香味三朝已盡無

雲巖一角紫雲犁四郡名殊費品題漑到溫泉應更美  
道山合與鳳岡齊

白晒紅漿未是佳蜜封應共橘逾淮遠人漬酒經年美

甘液何如摘半匡

一枝紅豔破瓊瑰欲傲楊家別種梅百顆投來方大理  
游藍未許盛名推

古寺虎斑未足珍牛心二寸味超倫丁香大蒂都稱異  
不負梯山遠宦人

東山十里爛紅雲玳瑁硫黃香色分別有一株名朴柿  
蒲桃抽朶穗紛紛

蚶殼深渠遍一村龍牙無核倚重門漿多味淡偏蠲渴  
爲有流泉灌樹根

眞珠圓白氣如蘭纖小還同玉粒餐更有瑯琊佳種在

松風閣詩鈔

卷十二

四

好將十八女郎看

梗似枇杷出火山向年移植萬松關別誇麗色釵頭飾  
共說將軍五代間

雙髻峩峩並蒂蓮流芬手里到漳泉中元紅荔甘尤烈  
待拂秋風火欲然

紫綺仙人下玉霄瓊漿寶甕挹朝朝縱然畫出眞仙骨  
齒頰清芬未易描

橘袖荆揚貢厥包中天閩越尙檜巢漢唐而後輿圖廓  
千載仙霞詠樂郊

莫返童顏白髮搔摘來仙果咽瓊膏搗將萬顆成甘餌

我欲滄洲釣巨鼇

南北村前曳杖過垂黃綴紫看如何絳襦仙子來何暮

玉笛吹殘越客歌

閩南風味好相誇九曲峯頭鳳餅茶佳果還堪超越蜀

龍巖鬪美素心花

虬珠冰繭總難方卻似寒梅帶雪嘗仙蛻天然芳竟體

未容林下麝焚香

鶴頂流丹樹樹明筠籃山徑有人行渾疑兔杵元霜乞

一夢高寒到水晶

枝頭漸漸落繁星多謝冬郎兩眼青畱得雙株橫浦岸

松風閣詩鈔

卷十二

五

好吟連理倚江亭

醜顏一笑冷如冰證果西來赤腳僧箇裏甜酸君自識

品評何必判三乘

海上仙人白玉樓絳綃披處不禁秋人間自有長生藥

悔煞蟠桃曼倩偷

穠穢何勞瓜鎮心底須止渴問梅林好將冰玉南豐句

寫出高寒白雪吟

嘗慣酸辛不耐甘仲翔夢裏咽爰三一官已斷葺鱸想

玉局深情戀嶺南

虛堂避暑日垂簾飽啣冰丸酸更甜聞說莆田栽更好

要將白玉糝紅鹽

鈞雪書來遲復函連朝餐玉逞清饒荔支合補詩全韻  
好乞誠齋爲削劂

竹溪夜泊

冠蓋郵亭笑語溫我來重唱出西門波心雲影綺羅裂  
山下泉聲鼓角喧上水船難爭下水秋原草卻似春原  
舟車三載今過半來歲寒梅問故園

久雨初晴延平試院有懷仲弟暨楊與山吳門

新晴樓閣薄寒侵劍水重來思不禁日出虛窗馳野馬  
秋深老樹喚山禽簿書不擾閒官慮文字難知作者心  
松風閣詩鈔卷十二  
六  
苦憶舊遊星散後吳天迢遞雁書沈

先考諱日建齋試院感懷

老去思親更可悲兒今班白復何爲天涯祭奠半生事  
故國松楸千里思廟勒鼎鐘非我望書傳閩粵有人知  
府君著成應錄章既刊于閩  
鄭夢白中丞又刊于粵西歐公表墓將何待不辱其

先論定時

竹朋同年見示近作題贈三首

憶昔長安住門前轍迹稀偶然相過訪默爾各忘機榕  
嶠一麾到柯亭三載違文人皆慕李况我別依依  
見善如不及聖言豈我欺今君多善政輿頌清且慈爲

邦其庶矣於物皆孩之吾復何所獻心迹山神知  
肩輿行萬嶺衰颯一腐儒堪笑已盲學何能人破愚捫  
心才既竭賒口道終迂絳帳慚非分編摩庶自娛

再至考亭祀朱子作

建陽城抱萬山青理學餘風溯考亭楊李墓祠同不改

元明兵燹幾曾經我來兩度邀神貺公去千秋有德馨

師弟一門絃誦盛好將詩禮繼前型

新設經蒙學館卽以朱氏生員爲塾

師

建陽嘉禾朱子墓前享堂再燬於火前漳州府鶴

田方公

寶慶

募貲重建喜而有作

松風閣詩鈔

卷十二

七

昔賢祠宇委埃塵卜築今看丹雘新俎豆已隨顏學孔

文公於國朝  
升列十哲之女

輔車豈比越同秦墓前負土三千士碑

側題名五百人

漳郡官紳士子捐  
貲者五百餘人

共仰師資涵教澤海

濱鄒魯俗原淳

龍巖除夕二首

閩南已過三除夕剪燭虛窗手一編慣與賓朋談日下

憐無兒女話樽前撥開雲霧天將半踏遍崎嶇路幾千

午夜聽鐘懷

禁籟不知身在萬山巔

爆竹聲中夢早朝銅龍初闕景清寥羊燈忽見移三殿

鳳竹微聞奏九韶日出丹墀排玉仗香騰金鼎傍珠杓

山城譙鼓催人醒星斗闌干望紫霄

石鐘巖和弢叔

石洞如張唇石牙垂數尺猛獸方欲噬怒氣填胸臆我  
行出其下日暗天昏黑彳亍臨深淵蟠蛇路偏仄頑獷  
徒生憎峯巒非秀特胡爲洪濛初天公費彫刻我欲呼  
愚公移之北海北

挽舟嶺和弢叔

鷲嶺起千盤人如飛鳥度行行到峯巔峯迴復有路筍  
輿力已疲西巖日將暮不見有山村山中滿雲樹

己酉龍巖元旦盆蘭盛開

松風閣詩鈔

卷十二

八

閩嶠春光早幽蘭歲首開閒吟虛室裏時有暗香來淑  
氣回新柳芳心逗古梅何如移九畹試院滿庭栽

閩中春初水仙桃蘭桂菊並開

閩南海角冬常溫四時嘉卉榮初春水仙本是凌寒種  
桃花穠豔開芳辰香蘭宜夏桂馥秋黃菊霜中葢始繁  
茲何競秀韶光轉四序遷流渾不辨變幻誰知造化心  
搜羅欲盡巖溪選如呼漢魏六朝唐宋諸名賢晤對一  
堂忘歲年或搞經師之博奧或效騷客之芊緜或遊文  
章之林府或談道學之淵源嶽嵒磊落各異致千秋把  
臂敦古歡我因看花發奇思惜哉今人不見古人事

按試漳郡送萬葵田觀察奉諱旋里

憶昔長安道諫臺聞直聲  
乘輶莅閩嶠杯酒餘歡情  
龍溪今再至衰經詔班荆  
惻惻悲風木丹旆故鄉行  
故鄉章江路千里計郵程  
山行雲霧溼水宿風濤驚  
辛苦事遊宦祿養慰平生  
今抱鮮民痛遄歸窀穸營  
孝思已無忝願復繹忠經

國計方紆策求賢勞

聖明佇看雲出岫和氣甘霖蒸策馬到金臺相期寒暑

更吾師山谷叟

謂齋師

樹冷落草元亭詩篇徒滿篋楚粵

路縱橫託君凌風翰達我區區誠何時還日下及此未

松風閣詩鈔

卷十二

九

衰齡

南郡

南郡新年曳袷衣晴窗展卷趁斜暉  
海濱地轉韶光早日下書傳世事稀  
老去不堪遊五岳病餘還欲候三微  
茶鑑藥裏常相伴歷盡秋冬春又歸

泉州府學聽講書作

爭講孝哉閔子騫良知不昧秉於天  
佩牛勸後民風改

害馬除餘士習賢

前中丞夢白鄭公撰戒鬪說余攜至各處散給生童幾及萬卷今有南安

生員王昌南勸止鄰右戒鬪年餘無事余手書此聯獎之

只許揮毫文作戰未妨讓

畔硯為田鼠牙雀角何多事熟讀風詩行露篇



曉發泉州

又賦駢征戴曉星溫陵城外草青青漫天雲起山容變  
捲地風來海氣腥萬壑泉聲新舊雨三春柳色短長亭  
川塗滿眼勞人思落日榕村車暫停

聞蛙

泉州正月亂蛙聲已似江南大雨行破寂居然來兩部  
攪愁不覺到三更每懷時序無停轍漫說官私有異情  
迴憶南園聽雜沓滿窗梧影一燈明

喜慰高來高至

病裏思鄉白髮侵雁行入戶慰余心三年已作無家別  
松風閣詩鈔 卷十二 十

千里同歌遊子吟白鶴峯頭春雨滿烏龍江上暮潮深  
翦燈閒話家園景卧聽清風送遠林

四月四日送黃兩如

式慶

蓉生

傳驪

袁宗山

崇江

波叔

混

從子喬仙

孚甲

歸里

作客三年久崎嶇歷盡時方舟歸故里春雨灑江涓匝  
劍風雲氣囊琴山水思鹿鳴賡雅什千里慰心期

亭泉

在福州試院池  
中天旱不涸

池中有泉池水平昔人曾以亨為名靜深有似川流德  
化機妙與時偕行悟茲為學貴有本功同疏淪闕虛靈  
源頭不窒至以游四海未到科先盈

雨歇懷張叔喬仙

雨歇天復晴室虛客初去懷哉兩少年危灘擊楫渡涉  
世多憂虞求名聽時數浩歌還故鄉足歷千山路

題王月船刺史

光鈔

太姥山紀遊詩

別有神仙骨名山借一枝峨眉縈舊夢太姥紀新詩翰  
墨緣非淺功名數未奇萑苻空大澤不負擁旌麾

張叔諸友登舟七日水急不得進仍泊洪山橋朱

友松

逢慶

宋少圃

柏齡

往尋之貺以食品

登舟今七日仍復泊榕邨市遠餐無味橋低浪欲吞有  
人尋泛宅高詠出西門吳越三千里何時返故園

松風閣詩鈔

卷十二

十一

四月十四日登烏石山詣道山觀

何處神仙宅我來訪道山路隨青嶂曲門帶白雲關香  
火緣非淺輿徒意亦閒當年齋醮地回首葑溪灣

烏石山麓晚眺

烏石千盤峻閒遊陟此坡深叢花氣少怪鳥幻聲多城  
市腥魚蛤山邨暗薜蘿我來尋古寺落日照青莎

偕林編修

春溥

謁城南朱子祠

考亭廟貌遍閩山香火城南地本閒欲自元明溯南宋  
不分濂洛更秦關微茫心學千秋寄區別歧途二氏閒

九頓峯前祠墓古白雲深處願躋攀

蔣心香水部同年寄示歲暮見懷之作奉答

別來詩思豔於花  
閉閣焚香想八叉  
斗酒百篇誰學步  
長城五字已名家  
文場跌宕年方少  
郎署蹉跎鬢未華  
卻喜冷官無一事  
折梅還欲寄天涯

聞胡實甫希周太守移家徽州

年來燕羽歎差池  
一別金臺歲月馳  
范子五湖歸隱處

宋都六鷁退飛時  
君由歸德守左遷回里抽身宦海須仙骨  
策馬

荒山繫夢思余與君兩度同上春官何日相逢樽酒會  
為談三十

六峯奇

挽何一山侍御同年

松風閣詩鈔卷十二

十一

與君同上木蘭舟  
燕羽分飛不自由  
道院聽鐘忘歲月

君寓圓通道院最久余亦曾同居直廬橐筆幾春秋  
後與君同值樞垣數載西風

匹馬成詩識君為諸生時嘗夢得一詩云第一才名第一

仙聲華嶽並李青蓮世人莫笑詩腸瘦

匹馬西風落照前後以庶吉士散館上親擢第一尋

以大考詩句微疵改官中書視學四川始歎夢中詩

若有前南浦清樽話別愁  
惆悵雁書傳海嶠  
蓉城已識

曼卿游余在闕得陳子鶴侍郎書知君辭世逾月始得  
君手書蓋歿前一日作也字畫工秀不異平時

齋中讀書作十一首

少小讀論語兼誦朱子註  
剖析在微茫  
心知善惡路壯  
而失其守皆為嗜欲誤  
理豈反不明明而自欺  
故須下

堅定力庶不窘吾步

去聖日以遠百家多辨才功利與刑名滔滔放厥詞末  
流爲二氏高明乃慕之昌黎原性道毒霧明朝曦紫陽  
釋論孟大早見雲霓於茲五百載天地生光輝奈何不  
師古觸處歧途迷

秦燔經籍廢掇拾在先儒存者十之一堪破後人愚或  
以口相授繼乃筆諸書或傳蝌斗字聾牙千載餘豈無  
襲譌謬大意終不殊奈何不信古憑臆改其初駕彼後  
生駒而云能識塗

賢愚皆好奇古書率多僞三墳既可造九邱何難志嗟  
彼崑崙山何人至其地徒侈域外觀空談皇古事讀者

松風閣詩鈔

卷十二

三

亂聰明作者矜才智我欲驅羽陵萬蠹食其字

相如凌雲筆探原木楚騷始闢詞章門侈豔以爲豪沿  
流及六代鄭衛聲浮囂卓哉韓吏部一挾如怒潮百家  
避其銳六籍掇其膏我讀南海碑雄傑西京朝華實春  
秋并奇偶陰陽交笙簧閒鐘鼓鼎鼐先陶匏執一非至  
道虛僞漫相高

沱潛雖末派可以達江漢熾舟汙池中終身尺土畔小  
學先愛敬力行思過半嗟哉匱釘儒徒使聰明亂更有  
浮夸子沈溺攻詞翰老矣竟無成庸夫同一歎

窮鄉有鬪者里正親見之何來儒冠人傳聞多異詞邑

宰好風雅竟不儒冠疑曲直判然定安用里正爲斷獄  
盡如此難免行路嗤况生秦漢後遙溯商周時

古人知行並子路恐有聞今人但求知躬行不復論名  
理競探蹟履蹈崇率真自命爲曠達欲叩元妙門白首  
了無得終與庸碌羣求知不求行遺憾在人倫

少小耽邱壑苦吟常閉關頗慕道家術靜虛心自安中  
歲遊京國求名良獨難蹉跎人海內五十猶卑官書因  
教子讀詩以寫憂傳垂老尙盲學矻矻耕硯田難免後  
生笑無聞又幾年

躬耕闔閭城自謂當終老一朝辭故園結綬長安道十

松風閣詩鈔

卷十二

十四

載傍 綸扉人羨此官好自念性疎野每計抽簪早九  
遷感知遇捐軀圖結草乘輶闔嶠行敦學心渺渺教士  
兼淑身詩書開素抱

詩書理三載髦士列門牆束脩雖至薄卻之弗令將購  
書以爲贄一笑受而藏因此投滿篋五車富青箱閩中  
多先哲理學尊紫陽延平開先路西山附後行匡時邵  
武李殉節漳浦黃我 朝安溪叟羣經費評量各有專  
家集輕舟壓歸裝留貽子孫讀我老視茫茫

閏四月中旬大雨四晝夜作

雷聲若崩山雨注如狂瀾言更四晦明雨止日色殷衢

巷通舟楫城堞棲人烟昏墊須臾耳水退民卽安歸墟  
大海近積潦非所患但當憂雲漢煖我高岡田

題補石亭

卽三百三十三亭

牆外諸峯積翠分空亭日日眺斜曛秋風石上縈青蔓  
春雨池中起白雲海岳拜餘尊文號初平叱後化羊羣  
笥河往事存詩卷賸本流傳不逮聞

朱竹君先生作三百三十三亭圖

前賢題詠甚多後爲某公以摹本易之復有并易摹本以去者而此圖遂無足觀矣

贈林生

聰夔

少小從阿翁跨馬出西域崎嶇歷八城屯田費擘畫

尊人

少穆先生奉

命經理

西口外屯田生實從焉能說山川勢兼聞防禦策歸來

松風閣詩鈔

卷十二

五

弄柔翰流譽文場特作賦士衡儔請纓終軍敵文武用  
皆宜儒冠豈易得

歲試福州陳生

廷穀

年十五首先完卷文理清暢

遂拔之科試時林生

佑曾

年十二詩賦嫻熟梁

生

鳳翔

年十四文才清俊皆取入學以詩勗之

陳生走筆下水船三千人中首一篇林生弱歲工詞賦  
梁生文藝亦粹然三生皆以年少異毋乃山川鍾秀氣  
願生還將鐵硯磨經濟文章儒者事堪驚歲月去如馳  
少年不學老將至

王生叔蘭感余知遇倩其友寫榕陰問字圖索題

圖中兩人之貌皆未似也聊記一篇

我本慚識字感君來問津圖中蒼髯者先生何許人青  
衫旁侍立亦未肖其真聊借詩畫筆敘此平生親何必  
求其似阿堵更傳神  
蠹魚

寄祖賢祖彝兩兒二首

讀書尋淵藪庶可博其趣觀記豈不勞書紳終有數譬

松風閣詩鈔

卷十一

十一

如窮巷士貴識康莊路日益在新知仍勿忘其故

作文以明理理足文不羣語出必心撰仍不殊衆云但

求快於己無取悅於人已快人自快一理原無分

半菘少時得林吉人書樂毅曹娥二帖今攜入閩思泐

文字金石以公諸閩士而閩石粗疎無能摹泐因仍藏

之并係以詩

濯濯逋仙筆藏之卅四年今還閩海畔欲借石工傳手

拙難爲役心摹體尙全千山重遍歷書篋飽風烟

我本齒落子無草來問津圖中蒼髯者先生何許人青

我來閩南落三齒老境何爲至於此天下無如喫飯難

珍饈膾炙無論矣牡牙牝齒三十二年未六十脫其四  
戒得當從血氣衰毋乃天公傲饜意辟穀何能事赤松  
采芝欲問商山翁陋巷一瓢如可飲啟期三樂吾與同

振山弟有詩寄懷奉答二首

卜宅三遷後浩然歸故居烏棲枝未定鸚啄稻無餘老  
去田廬重貧來骨肉疎吾鄉好山水何處學樵漁

故園曾共讀爾幼我成童燕雁分飛久江湖涉險同

辛卯

年名場終不偶詩句尙能工仲氏今聯榻壺天舊夢通  
昔與仲弟同居大儒  
巷堂名詩酒壺天

聞臺灣徐樹人觀察

宗幹

考校生童釐剔積弊威

松風閣詩鈔

卷十二

十七

聲肅然文風丕振作此寄懷

海溼修文教翻然陋習除仁流千里外威震百蠻餘下  
士慙懷璧邊眩樂荷鉏感君多雅化爲寄數行書

吳門

際清

跌宕文場二十年近知匏繫葑江邊一肩寒意撐詩骨

八口歡心屬硯田燕市曾同元白巷春風又上孝廉船  
寄言賃廡吳門客待我清樽餞臘前

榕

雌榕雖不材其蔭垂數畝猶堪庇行人避暑清風受牡  
榕勢參天不與牝爲偶炎天落葉多赤曦明當爇於世



竟無功頑姿終易朽上愧榭柵材下慚松柏壽并無雌  
榕德孤直曾何取胡爲植我庭汎掃不除垢甘荔減清  
芬幽蘭緘笑口鬼車多怪聲倚汝爲淵藪我欲尋斧斤  
梯牆一揮手

哭袁韻亭師

青氊至老不憂貧硯作良田筆作耕化雨一庭書帶草  
余兄弟子多從游秋風幾度石頭城零篇蕭瑟師東野遺墨蒼

涼似率更歎息漚波翁已去問津無路感吾生

題故友杜拙齋摹漢碑

籀李忽云渺中郎妙八分小冠吾畏友健筆獨超羣

松風閣詩鈔卷十二

六

壁摩崖異春蛇秋蚓紛小樓今在否東郭弔斜曛

樟木爲匣以貯筆可辟蠹既銘之矣復系以詩

爲愛管城子人傳辟蠹方不須牀翠石聊用積香樟皇  
象新劂發羲之退筆藏分書銘字勒古器儼同行

題王奕龍畫松鼠

寓屬甚微耳琅瑯繪事神迴頭如攫果睜目似窺人葉  
暗半藏尾樹高時聳身化鴛無爾分常此抱輪囷

題金滿農桃花燕子圖

江南春景畫中詩竹外嬌紅半折枝雛燕出巢初學語

午風庭院晝長時

妙擬南田粉本開一雙燕子掠波來鳥能歌舞花能笑  
疑自仙源問渡回

夏日敬業齋偶興

薰風微扇午晴初又見榕陰雨點疎別院藥爐烹鶴蝨  
荒厨瓦釜膾烏魚過雲誰弄桓伊笛浮海欣傳魯仲書  
便覺心清塵夢少詩魔酒魘一齊除

池上納涼

閩山地卑溼暑氣逼新晴薄暮海風至空庭池水清微  
涼蘇病骨散步適閒情補石亭邊路芒屨竹杖輕

自刪歸樸龕稿寄弢叔

松風閣詩鈔

卷十二

九

享帚嘲難解畱皮志可憐且論今日事詎望後人傳茂  
苑清鐙下榕城落葉前一腔蕭瑟意剝落感中年

寄董琴涵

膠西稱病久寂寞故園中老去心逾壯興來詩更工丹  
邱懷葛令白社慕山翁鄧尉梅花發天涯有夢通

題錢獻之篆周武王十七銘

斯冰久不作點畫嗟模糊郭生夢英後掇拾有凡夫

趙宦

光 十蘭

號 獻之

最後起磅礴勢縈紆晚年折右肱乃以

山

京初既狀鵠頭聳復如蛟腳舒風流追李監絕學傳吾

徒

讀嘉定錢竹汀詹事遺書

百家相沿襲沸如金在鎔流傳本一物新異出良工崑  
山日知錄自比採山銅朝華謝已披夕秀舒青紅辨論  
一名物探從萬卷中詹事昌經學化雨露江東潛研窺  
根柢十駕駭博通式闢先儒奧私淑欽古風

松風閣詩鈔終

松風閣詩鈔

卷十一

三



好別十簿潮阻嚴生關張爾奧殊殊於古風

一谷啾啾辨萬卷中詹事昌經學外雨露乃東都播

山日知錄自其採山銅朝華謝已披夕秀舒青紅辨

一名物探從萬卷中詹事昌經學化雨露江東潛研

根柢十駕駭博通式闢先儒奧私淑欽古風

瓜蔓詞 附錄

長洲 彭蘊章詠菽

鷓鴣天

小樓卽景

漠漠輕陰落晚紅  
曉鶯啼煞畫牆東  
滿庭濃綠春歸去  
珠箔闌干儘日風  
閒倚醉 趁拋慵  
惜花無語小樓空  
輕雷欲送南山雨  
一角油雲點碧峯

西江月

春曉

喜鵲一聲醒  
睡綠窗曉色朦朧  
銀缸粟影逗微紅  
暗想瓜蔓詞附錄  
一  
隔宵殘夢  
珠箔自開碧網  
玉臺替拭青銅  
一雙雛燕  
語春風獨抱瑤琴三弄

巫山一段雲

本意 山雨一色 晴雲隱翠峯

玉帳遊仙夢  
飄飄下彩鸞  
步虛聲裏佩珊珊  
曉月翠綉  
寒 瑤席雲鬟墮  
珠宮月髻彎  
窺臣鄰女十分顏  
羅綺  
總人間  
一對鳴鳳

滿江紅

春影

碧柳千條樓臺外  
鶯聲送曉陰  
晴態畫工難到  
出岫春

雲移不定飛來碧瓦魚鱗繞更午晴繁影羃花除因風  
裊香徑蝶穿花巧泥壘燕窺簾早看春人如織舞翬  
隊小寶馬香車三里霧酒帘遙指尋調笑換良宵翦燭  
鏡屏前人雙照

滿庭芳

春聲

鐵馬風微銅壺漏永耳邊斷續春聲花間百舌弄巧語  
含情隔院紅梅吹落數聲笛羽調淒清人在杏花深處  
夜雨翦燈聽漸村歌隊裏萼萼社鼓布穀催耕又吹  
簫寒食擔出香餠正是春眼不穩被鶯哥喚夢成醒珠  
瓜蔓詞附錄

二

喉轉雙釵在手玳瑁拍銀箏

閒中好

閒中好坐敞烏皮几昨日含蕊花今開膽瓶裏  
閒中好磨硯墨花香療俗先醫熱沁心冰片涼  
閒中好隨意折花枝靜悟甘蕉長卻從心卷時

燭影搖紅

絳船

水驛烟波打頭風緊扁舟去蒲帆收了看招招帶索長  
亭路歷盡欹橋古樹繫長繩青天日暮半肩秋雨兩屨  
春泥水雲深處客子江湖蓬窗靜掩愁無語暗牽歸

夢度前津欸欸情千縷風力吹燈不住羨他家橈飛舵  
鼓檣烏低轉陣雁聯行聽呼儔侶

更漏子

無人共立夏

梅雨麥秋時節近落花送盡春光輕雷隱隱出南塘純  
扇理銀牀歌子夜度山香招風覓取高堂桃笙八尺  
午生涼紅閨試淡妝

賣花聲

題秦淮載酒圖

忽憶白門秋狎鷺盟鷗兩三人上木蘭舟醉裏不知誰  
瓜蔓詞附錄  
是主一樣勾畱露下夜悠悠月挂簾鉤洞簫吹出古  
今愁秋雨秋風閒度也碧海浮漚

卜算子

和仲山眠琴館作

細乳碧桐花百尺曾棲鳳清影隨風入畫簾一枕涼生  
夢石几夜焚香膝上琴三弄說與成連大海心寂寞  
無人共

雲仙引

挽黎望厓刺史

諱誕登  
粵東人

撤瑟園林停春巷陌芙蓉遺愛長存潮州廟柳州神巫

陽下通靈夢要聽鈞天乘白雲椰葉風悲荔枝月冷象  
室招魂侯來隴雉都馴有竹馬兒童迎使君葉水豐  
衡范餽陳鏡十善餘芬陂芍植蘭判衫間髻七子桑鳩  
含哺均凡任六州風流渺矣尙餘笠織現宰官身

占春芳

詠黃綠兩色牡丹

羣芳盡名花發五色殿春光不是人間紅紫綠章早奏  
天香位置費評量似佳人初點鴉黃這雙仙合同心  
事休怨衣裳

燭影搖紅

瓜蔓詞附錄

懷王井叔廣陵

芳草王孫廣陵三月鶯花暮春潮江上攬離情弱柳風  
吹絮相憶新詩袖裏扣苔門敲碁拂塵偶耕人出時鳥  
嚶鳴愁余無侶花事闌珊故人無恙荒園住燈搖殘  
夢渡江來脈脈愁無語風定月明在樹裊爐烟游絲一  
縷槿奴紅了梅子黃時待君歸去

合韻漁家傲

和仲山望湖樓作

晃眼湖光風不定青山擁髻窺明鏡一塔凌虛涵倒影  
飛樓迴疑來圖畫非人境油雲行雨過西嶺斜風捲

地長空淨依舊東坡樓上景人初醒一聲佛閣傳清磬

憶江南

山塘

山塘路錦繡逐年新飛絮畫樓三月暮賣花小市四時春  
七里暗香塵龍舟鬪鼓吹出閭門百盞珠燈星在水  
數聲玉笛月開雲相送醉歸人

金縷曲

和仲山自題海獮獻鏡小影

第一神仙宅好滄洲霧消雲散月明天碧掉首鴻濛吾  
去也眼底奔湍絕壁欲鞭起老龍彈瑟著箇靈槎攜卍  
瓜蔓詞附錄

五

女海漫漫認爾求仙客冰宮鏡生寒色崑崙頂上停  
遊屐幾千春蓬萊水淺手撈金魄喜有狙公能解事與  
爾烟霞同癖聽長嘯一聲裂笛滾滾紅塵忙不了笑諸  
君莫是禪中蝨滄海上情豪逸

點絳脣

題潘絨庭睡香花室填詞圖

錦帳流蘇篆烟裊裊花如霧按腔休誤恐被卿卿顧人  
佩之女史  
填詞尤妙  
手把薜蘿一  
串新鸚語情千縷暮雲芳樹

游戲瓊瑤圃

沁園春





國書

